

Na osnovu člana 16. stav (1) i člana 17. stav (2) Zakona o Vladi Hercegovačko – neretvanskog kantona („Službene novine HNK“, broj: 3/07 i 5/09), člana 28. stav (6) Zakona o koncesijama Hercegovačko – neretvanskog kantona („Službene novine HNK“ broj: 1/13, 7/16, 6/18, 9/19 i 1/21), na prijedlog Ministarstva privrede Hercegovačko-neretvanskog kantona, Vlada Hercegovačko-neretvanskog kantona je na 51. sjednici, održanoj dana 30.09.2025.godine, donijela:

**ODLUKU O DODJELI KONCESIJE
ZA OBAVLJANJE ELEKTROPRIVREDNE DJELATNOSTI PROIZVODNJE ELEKTRIČNE
ENERGIJE IZGRADNJOM ELEKTROENERGETSKOG OBJEKTA FOTONAPONSKE
ELEKTRANE ALI & VIS, NA LOKALITETU POKOJIŠTE, GRAD KONJIC**

I

Vlada Hercegovačko – neretvanskog kantona (u daljem tekstu: Koncesor), dodjeljuje privrednom društvu „ALI & VIS“ d.o.o. Kreševo (u daljem tekstu: Koncesionar), koncesiju za obavljanje elektroprivredne djelatnosti proizvodnje električne energije izgradnjom elektroenergetskog objekta fotonaponske elektrane „ALI & VIS“, instalisane snage 995 kW, na dijelu k.č. 33, 35, 36 i 37 k.o. Pokojište, u površini 14 245 m² shodno urbanističko - tehničkim uslovima određenih Rješenjem Službe za prostorno uređenje, građenje, zaštitu okoline i komunalne poslove Grada Konjic broj: 07-19-1-2481-1/22 od 20.03.2025.godine, Rješenju Federalnog ministarstva poljoprivrede, vodoprivrede i šumarstva broj: UP-I-08-22/1-555-2/23 EČ od 16.06.2023.godine i Rješenju Ministarstva poljoprivrede, šumarstva i vodoprivrede HNK broj: UP-I-07-20-268-4/23 od 30.05.2023.godine.

II

- (1) Koncesija se dodjeljuje na period od 30 (trideset) godina.
- (2) Rok trajanja koncesije počinje teći dobijanjem upotrebne dozvole i priključenjem elektroenergetskog objekta na distributivnu mrežu.
- (3) Koncesija prestaje istekom tridesete godine od dana početka trajanja koncesije.

III

- (1) Prava i obaveze Koncesora i Koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime Koncesora s Koncesionarom potpisati ministar privrede Hercegovačko – neretvanskog kantona.
- (2) Krajnji rok za potpisivanje ugovora iz stava (1) ovog člana je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji, ukoliko za to nastanu zakonski uslovi, vrše se na isti način i postupak kao kod zaključenja ugovora.

IV

- (1) Jednokratna koncesijska naknada za fotonaponsku elektranu ALI & VIS instalisane snage 995 kW iznosi 3.924,34 KM (slovima : trihiljadedevetstotinadvadesetčetirikonvertibilnemarka i 34/100).
- (2) Tekuća (godišnja) koncesiona naknada za korištenje obnovljivih izvora i obavljanje djelatnosti (TKN) obračunavat će se prema formuli: $TKN = 0,03 \times GBP \times 0,05 \times \sum B$ (13,30 - zbir dopunskih kriterija).
- (3) Sredstvo osiguranja za izvršavanje obaveza plaćanja jednokratne i tekuće (godišnje) koncesione naknade su bezuslovne bankarske garancije za svaku vrstu naknade posebno i to u vrijednosti iznosa ovih naknada, a ugovorom o koncesiji pobliže će se propisati ova obaveza Koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

V

(1) Koncesiona djelatnost obavljat će se na način i pod uslovima propisanim svim zakonskim propisima koji regulišu oblast električne energije i izgradnje elektroenergetskih postrojenja ove vrste.

(2) Zakonski propisi i standardi koji regulišu pitanja građenja, zaštite okoliša, poljoprivrede, vodoprivrede, šumarstva i zaštite na radu, su također obavezujući za Koncesionara.

VI

Ugovorom o koncesiji obavezno će se propisati i slijedeće obaveze:

- a) da se Koncesionar obavezuje, na svoj trošak i na svoj rizik, ishodovati sve dozvole/saglasnosti koje su propisane posebnim zakonima iz tačke 5. ove Odluke, ukoliko postoje zakonske obaveze i uslovi za ishodovanje i fotokopije istih dostaviti Koncesoru u roku od 15 dana po pravosnažnosti;
- b) da će se ugovor o koncesiji raskinuti pod uslovima predviđenim Zakonom o koncesijama Hercegovačko – neretvanskog kantona, kao i ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije; ako koncesionar nije u roku od dvije godine od dana potpisivanja ugovora pribavio dozvole/saglasnosti navedene u alineji a) ove tačke ugovor će se smatrati jednostrano raskinutim na štetu koncesionara, ako su dozvole/saglasnosti pravosnažnim rješenjem nadležnog organa stavljene van snage ili poništene za vrijeme trajanja ugovora ugovor će se smatrati jednostrano raskinutim danom pravosnažnosti rješenja, na štetu koncesionara;
- c) u slučaju prestanka koncesijskog odnosa, a zbog okolnosti za koje je kriv Koncesionar, Ministarstvo će rješenjem utvrditi obaveze Koncesionara;
- d) da je za nadzor nad ostvarenjem koncesije nadležno Ministarstvo privrede, ili lice koje Ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- e) da se dodijeljena koncesija može prenijeti na drugo pravno lice u skladu sa Zakonom o koncesijama Hercegovačko – neretvanskog kantona i uslovima propisanim Ugovorom o koncesiji;
- f) sve druge odredbe propisane članom 32. Zakona o koncesijama Hercegovačko – neretvanskog kantona, kao i one koje su od značaja za predmetnu koncesiju.

VII

Nezadovoljni podnosilac prijedloga za dodjelu koncesije na osnovu samoinicijativne ponude, može u roku od 15 dana od dana prijema ove Odluke putem Ministarstva privrede HNK, Vladi Hercegovačko – neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko – neretvanskog kantona.

VIII

Ova Odluka objavit će se u „Službenim novinama Hercegovačko – neretvanskog kantona“, a stupa na snagu danom njene konačnosti.

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON

V L A D A

Broj: 01-1-02-2381/25

Mostar, 30.09.2025.godine

P R E D S J E D N I C A

M a r i j a B u h a č